



Broj: 11-04/02-34-5780-1/26

Sarajevo, 23.02.2026. godine

Na osnovu čl.70 Zakona o organizaciji organa uprave u Federaciji Bosne i Hercegovine ("Službene novine Federacije BiH", broj: 35/05) i čl. 4 i 19. Zakona o izvršavanju Budžeta Kantona Sarajevo za 2026. godinu („Službene novine Kantona Sarajevo“, broj: 52/25), ministrica za odgoj i obrazovanje Kantona Sarajevo donijela je:

## **ODLUKU**

**o uslovima, postupku i kriterijima za dodjelu stipendija talentovanim/nadarenim učenicima prvog razreda srednje škole kao javne ustanove na području Kantona Sarajevo u školskoj 2025/2026. godini**

### **I-OPĆE ODREDBE**

#### **Član 1.**

##### **(Predmet odluke)**

Ovom Odlukom utvrđuju se opći uslovi, postupak i kriteriji za dodjelu stipendija Ministarstva za odgoj i obrazovanje Kantona Sarajevo (u daljem tekstu: Ministarstvo) za talentovane/nadarene učenike prvog razreda srednje škole kao javne ustanove na području Kantona Sarajevo u školskoj 2025/2026. godini te prava i obaveze korisnika stipendija.

#### **Član 2.**

##### **(Naziv stipendije)**

Naziv stipendije glasi: Stipendija Ministarstva za odgoj i obrazovanje Kantona Sarajevo za talentovane/nadarene učenike prvog razreda srednje škole (u nastavku teksta: stipendija).



### **Član 3.**

#### **(Sredstva za stipendije)**

Sredstva za stipendije iz člana 1. ove Odluke će se osigurati i realizovati iz Budžeta Kantona Sarajevo za 2026. godinu, razdjel Ministarstvo za odgoj i obrazovanje, sa pozicije 614200 LAM007 Tekući transferi pojedincima.

### **Član 4.**

#### **(Objava Javnog poziva)**

- (1) Ministrica za odgoj i obrazovanje (u daljem tekstu: ministrica) utvrđuje konačnu listu učenika koji su ostvarili pravo na stipendiju.
- (2) Javni poziv će biti objavljen na internet stranici Ministarstva i internet stranici srednjih škola.
- (3) Rok za prijavu na Javni poziv počinje teći od dana objave javnog poziva na internet stranici Ministarstva

## **II-KRITERIJI ZA DODJELU STIPENDIJE**

### **Član 5.**

#### **(Uslovi i kriteriji za dodjelu stipendija)**

- (1) Pravo na stipendiju mogu ostvariti učenici koji ispunjavaju sljedeće uslove:
  - a) da je državljanin Bosne i Hercegovine;
  - b) da je redovni učenik srednje škole kao javne ustanove na području Kantona Sarajevo koji prvi put upisuje prvi razred u školskoj 2025/2026. godini;
  - c) da je osnovnu školu završio sa prosjekom 5,00 i primjerenim vladanjem (od 6. do 9. razreda);
  - d) da je dobitnik nagrade za ostvareno prvo mjesto na kantonalnom, federalnom, državnom i međunarodnom takmičenju iz nastavnih predmeta: matematika, informatika i fizika.
- (2) Ispunjenost uslova iz stava (1) ovog člana dokazuje na sljedeći način:
  - ispunjenost uslova pod a) dokazuje se dostavljanjem uvjerenja o državljanstvu (orginal ili ovjerena fotokopija koja ne može biti starija od 6 mjeseci od dana objave Javnog poziva);
  - ispunjenost uslova pod b) provjerava i utvrđuje školska komisija provjerom kroz EMIS sistem. Ispunjenost uslova školska komisija zapisnički konstatuje tako što navodi datum izvršene provjere i utvrđeno činjenično stanje. Komisija Ministarstva zadržava pravo da izvrši provjeru podataka učenika kroz EMIS informacioni sistem;
  - ispunjenost uslova pod c) provjerava i utvrđuje školska komisija provjerom dokumentacije iz personalnog dosijea učenika. Ispunjenost uslova školska komisija zapisnički konstatuje tako



što navodi datum izvršene provjere, broj i datum svjedodžbe učenika na osnovu koje je utvrđena ispunjenost uslova. Komisija Ministarstva zadržava pravo da izvrši provjeru podataka učenika kroz EMIS informacijski sistem.

- ispunjenost uslova pod d) provjerava i utvrđuje školska komisija provjerom dokumentacije iz personalnog dosijea učenika. Ispunjenost uslova školska komisija zapisnički konstatuje tako što navodi datum izvršene provjere, broj i datum potvrde/uvjerenja/diplome ili drugog akta na osnovu koje se dokazuje ispunjenost ovog uslova, kao i naziv institucije koja je izdala potvrdu/uvjerenju/diplomu ili drugi akt. Komisija Ministarstva zadržava pravo da izvrši provjeru podataka učenika kroz EMIS informacijski sistem.

## **Član 6.**

### **(Postupak po Javnom pozivu)**

- (1) Prijave na Javni poziv zainteresovani kandidati mogu podnijeti školi u koju su upisani u prvi razred roku od 7 dana od dana objavljivanja Javnog poziva.
- (2) Proceduru provjere formalno-pravne urednosti prijava i izbor kandidata koji ispunjavaju uslove za dodjelu stipendije provodi Komisija (predsjednik i dva člana) koju imenuje direktor srednje škole. Komisija je obavezna usvojiti poslovnik o radu i voditi zapisnik o održanim sastancima/jednicama. Komisija za svoj rad odgovara direktoru škole.
- (3) Komisija je obavezna u roku od 7 dana od dana isteka roka za predaju prijava na Javni poziv sačiniti listu svih prijavljenih kandidata koji su aplicirali na Javni poziv sa naznakom kandidata koji ispunjavaju odnosno ne ispunjavaju kriterije za dodjelu stipendije i istu sa prijavama kandidata dostaviti direktoru Škole.
- (4) U roku iz stava (3) ovog člana Komisija je obavezna na oglasnoj ploči i web-stranici škole obaviti Listu kandidata koji ispunjavaju odnosno ne ispunjavaju uslove iz Javnog poziva.
- (5) Direktor je obavezan Listu kandidata sa kompletnom dokumentacijom koja obuhvata dokumentaciju nastalu u radu Komisije i prijave sa dokazima o ispunjavanju uslova za dodjelu stipendije, dostaviti Ministarstvu u roku od tri dana od dana zaprimanja iste.

## **Član 7**

### **(Utvrdjivanje preliminarne i konačne liste dobitnika stipendija)**

- (1) Ministrica za odgoj i obrazovanje imenuje Komisiju za razmatranje Liste prijavljenih kandidata i pregled dokumentacije iz člana (6) ove Odluke.
- (2) Komisija je obavezna izvršiti pregled formalno-pravne urednosti zaprimljenih prijava i utvrditi da li prijavljeni kandidati ispunjavaju uslove za ostvarivanje prava na dodjelu stipendije.



- (3) Komisija iz prethodnog stava za svoj rad odgovara ministrici.
- (4) Nakon što izvrši poslove iz prethodnog stava, Komisija utvrđuje preliminarnu listu dobitnika stipendije koju objavljuje na web stranici Ministarstva za odgoj i obrazovanje.
- (5) Na preliminarnu listu prijavljeni kandidati imaju pravo prigovora u roku od 7 dana od dana objavljivanja Preliminarne liste.
- (6) Prigovor se podnosi ministrici za odgoj i obrazovanje koja je obavezan u roku od 3 dana od dana zaprimanja prigovora donijeti odluku o prigovoru.
- (7) Nakon isteka roka za podnošenje prigovora na preliminarnu listu ministrica za odgoj i obrazovanje donosi odluku kojom utvrđuje konačnu listu dobitnika stipendija.
- (8) Konačna lista učenika koji su ostvarili pravo na stipendiju objavljuje se na web-stranici Ministarstva najkasnije u roku od 15 dana od dana donošenja odluke o zaprimljenim prigovorima.

#### **Član 8.**

##### **(Prednost za dodjelu stipendija)**

U slučaju da dva ili više kandidata imaju jednake uslove za stipendiju, prednost će se dati kategorijama lica naznačenih u Zakonu o dopunskim pravima boraca Bosne i Hercegovine.

#### **Član 9.**

##### **(Iznos stipendije)**

Iznos stipendije utvrđuje ministrica posebnom odlukom, a isti će zavisiti o raspoloživim sredstvima u Budžetu Kantona Sarajevo.

#### **Član 10.**

##### **(Izuzete za dodjelu stipendija)**

Pravo na stipendiju kandidat ne može ostvariti ukoliko je već ostvario pravo na stipendiju od javnog sektora (općine, Grada, kantona, F BiH, BiH, fondova, ministarstva i javnih preduzeća), organ uprave bilo kojeg nivoa vlasti u Bosni i Hercegovini.

#### **Član 11.**

##### **(Ugovor)**

Stipendije se dodjeljuju nakon provedenog postupka na osnovu Javnog poziva, a na osnovu kriterija propisanih ovom odlukom nakon čega Ministarstvo sa roditeljima/starateljima učenika zaključuje ugovor o dodjeli stipendije.



## Član 12.

### (Isplata sredstava)

- (1) Stipendije se isplaćuju jednokratno ili u ratama, ovisno o prilivu sredstava u Budžet Kantona Sarajevo. Ostvarena novčana sredstva od stipendija se ne vraćaju.
- (2) Ukoliko učenik, dobitnik stipendije u 1. razredu škole bude naknadno upisan u srednju školu kao privatnu ustanovu, dužan je vratiti dodijeljenu stipendiju.

## Član 13.

### (Stupanje na snagu)

Ova odluka stupa na snagu danom donošenja.



000 Sarajevo

Tel: + 387 (0) 33 562-128

5/5

Web: <http://mo.ks.gov.ba>, E-mail: [mo@mo.ks.gov.ba](mailto:mo@mo.ks.gov.ba)